



寬永本

內觀教育基金會編輯
2018.05



禮拜聽授此經。大師常勸僧俗但持金剛經。即自見性。直了成佛。惠能聞說宿業有緣。乃蒙一客取銀十兩與惠能。令充老母衣糧。教便往黃梅禮拜五祖。惠能安置母畢。便即辭。親不經三二十日。便至黃梅禮拜五祖。師問曰。汝何方人。來到此山禮拜。今向吾邊欲求何物。惠能對云。弟子是嶺南新州百姓。遠來禮拜。唯求作佛。不求餘物。五祖言。汝是嶺南人。又是獼猴。若為堪作佛。惠能言。人雖有南

北佛性。本無南北。獼猴身與和尚不同。佛性有何差別。大師更欲共惠能久語。且見徒眾總在身邊。乃令隨眾作務。惠能答和尚言。弟子自心常生智慧。不離自性。即是福田。未審和尚教作何務。五祖言。這獼猴根性大利。汝更勿言。且去。後院有一行者。差惠能破柴踏碓。八箇餘月。五祖一日忽見惠能言。吾思汝之見可用。恐有惡人害汝。遂不與汝言。知不知。惠能言。弟子亦知師意。不敢行至堂前。令

人不覺。五祖一日喚諸門人。總來吾向汝說。世人生死事大。汝等終日供養。只求福田。不求出離生死苦海。自性若迷。福何可救。汝等各去。後院自有智慧。取自本心。般若之性。各作一偈。來呈吾看。若悟太意。付汝衣法。為第六代祖。來急速去。不得遲滯。思量即不用。見性之人。言下須見。若如此者。輪刀上陣。亦得見之。眾得處分。來至後院。遞相謂曰。我等眾人。不須澄心用意。作偈將呈和尚。有何所

益。神秀上座現為教授。師必是他得。我輩謾作偈頌。枉用心力。諸人聞語。各自息心。咸言我等已後。依止秀師。何須作偈。神秀思惟。諸人不呈偈者。為我與他為教授。師我須作偈。將呈和尚。若不呈偈。和尚如何知我。心中見解深淺。我呈偈意。求法即善。覓祖即惡。却同小心奪其聖位。無別若。不呈偈。終不得法。太難。太難。五祖堂前有步廊。三間擬請供奉盧珍。畫楞伽經。變相及五祖血脉圖。流傳供養。

神秀作偈成已數度欲呈行至堂前心中恍惚遍身汗流擬呈不得前後經四日一十三度呈偈不得秀乃思惟不如向廊下書看從他和尚看見忽若道好即出頂禮云是秀作若道不堪枉向山中數年受人禮拜更修何道言訖夜至三更不使人知自執燈燭於南廊中間壁上書無相偈呈心所見神秀偈曰

身是菩提樹
時時勤拂拭

心如明鏡臺
莫使染塵埃

秀書偈了便却歸房人總不知神秀思惟五祖明日見偈歡喜出見和尚即言秀作若言不堪自是我迷宿業障重不合得法聖意難測房中思想坐卧不安直至五更五祖即知神秀入門未得見自性喚開了便即天明五祖方便喚盧供奉來擬向南廊畫五代血脈供養五祖忽見其偈報言供奉却不畫也輒奉十千勞供奉遠來金剛經云凡所有相皆是虛妄不如留此偈令迷人誦依此偈修

免墮三惡道依此修行人大有利益五祖喚門人燒香偈前令凡人見生敬重心汝等盡誦誦此偈此偈者即得見性依此修行必不墮落門人盡誦皆歡善哉五祖三更喚秀入堂問是汝作此偈否若是汝作應得悟法秀言罪過實是秀作亦不索祖位望和尚慈悲看弟子心中有少智慧否五祖言汝作此偈未見本性只到門上未入門內凡愚依此修行即不墮落如此見解見無上菩提即不

惠能一聞便知此偈，未見本性，惠能未蒙教授，早識大意，遂問童子言：「誦者是何偈？」童子言：「這猶獮不知大師言，世人生死事大，欲得傳付法衣，令門人作偈，來看若悟大意，即付衣法為第六祖。神秀上座於南廊壁上書無相偈，五祖令門人盡誦此偈，若得悟者，即見自性成佛。依此偈行，即不墮落。」惠能言：「上人，我在此踏碓，八箇餘月，未曾行到堂前，望上人引至，得前禮拜，亦要誦此結來生緣。」

生佛地童子便引惠能到南廊禮拜，偈頌為「無相偈」。上人為讀，若得聞之，願生佛會。時有江州別駕姓張名日用，便高聲讀。惠能一聞，即識大意，因自言：「亦有偈，望別駕書于壁上。」別駕言：「猶獮汝亦作偈，其事希有，惠能啓別駕言：「若學無上菩提，不得輕於初學。俗語云：『下下人有上上智，上上人有下下意。』若輕人，即有無量無邊罪；張日用言：「汝但誦偈，吾為汝書于壁上。」汝若得法，先須度吾，勿

忘此言。惠能偈云：

菩提本無樹，明鏡亦非臺。

本來無一物，何處有塵埃。

說此偈，已僧俗總驚。山中徒衆無不讚誦，各相謂言：「奇哉！不得以覓取人，何得多時使他肉身菩薩。」五祖見衆人盡恠，恐人損他，向後無人傳法，遂便混破，向衆人言：「此偈亦未見性。」云何讚歎衆便息心，皆言：「未了各自歸房，更不讀歎。」祖夜至三更，喚惠能於堂內，以袈裟遮圍，不令人見。為惠能說《金剛經》。恰至應無所住而生其心，言下便悟。一切萬法，不離自性。惠能啓言：「和尚，何期自性，本自清淨，何期自性，本不生滅，何期自性，本自具足，何期自性，本無動搖，能生萬法。」五祖知悟，本性乃報惠能言：「不識本心，學法無益。若言下識，自本心見，自本性，即名丈夫、天人、師佛。」三更受法，人盡不知，便傳頓教及衣鉢。云：「汝為第六代祖，善自護念，廣度諸人，衣為信，眾代代

相承法即以此傳心皆令自悟自解自古佛
佛唯傳本體師點付本心令汝自見自悟
五祖言自古傳法命似懸絲若住此間有人
害汝汝須速去惠能言本是南中人久不知
此山路如何出得江口五祖言汝不須憂吾
自送汝其時領得衣鉢三更便發南歸五祖
相送直至九江驛邊有一隻船子五祖令惠
能上船五祖把船自搖惠能言請和尚坐弟
子合搖船五祖言只合是吾度汝不可汝却
度吾無有是處惠能言弟子迷時和尚須度
今吾悟矣過江搖船合是弟子度之度名雖
一用處不同惠能生在邊方語又不正蒙師
教肯付法今已得悟即合自性自度五祖言
如是如是但依此見已後佛法大行矣汝去
後三年吾即前逝五祖言汝今好去努力向
南五年勿說佛法難起已後行化善誘迷人
若得心開與吾無別辭違已了便發向南兩
月中間至大庾嶺不知逐後數百人來趨欲

奪衣取法來至半路盡總却迴唯下僧俗姓
陳名惠明先是四品將軍性行施惠直至大
庾嶺頭越及惠能便還衣鉢又不肯取言我
欲求法不要其衣惠能即於嶺頭便傳正法
惠明聞法當下心開惠能却令向北接入惠
能後至曹溪又被惡人尋逐乃於四會縣避
雖經五年常在獵人中雖在獵中每與獵人
說法至高泉朝到廣州法性寺值印宗法師
講涅槃經時有風有幡動一僧云幡動二僧
云風動惠能云非幡動風動人心自動印宗
聞之竦然惠能東山得法辛苦受盡命似懸
絲今日大衆同會得聞乃是過去千生曾供
養諸佛方始得聞無上自性頓教惠能與使
君及官僚道俗有累劫之因教是先代聖傳
不是惠能自智願聞先聖教者各令淨心聞
了各自除疑如先代聖人無別善知識菩提
般若之智世人本自有之只緣心迷不能自
悟須求大善知識示導見性善知識愚人智

人佛性本無差別只緣迷悟不同所以有愚
有智
唯謂明曰不思善不思惡正心處
時如何是上座本來面目明太暗

三為時眾說定惠門

師言善知識我此法門以定惠為本太眾勿
迷言定惠別定惠一體不足二定是惠體惠
是定用即惠之時定在惠即定之時惠在定
若識此義即是定惠等學諸學道人莫言先
定發惠先惠發定各別作此見者法有二相
口說善語心中不善空有定惠定惠不等若

心口俱善內外一種定惠即等自悟修行不
在於諱若諱先後即同迷人不斷勝負却增
法我不離四相善知識一行三昧者於一切
處行住坐卧常行一直心是也如淨名經云
直心是道場直心是淨土莫心行詭曲口但
說直口說一行三昧不行直心但行直心於
一切法勿有執着迷人着法相執一行三昧
直言坐不動妄不起心即是一行三昧作此
解者即同無情却是障道因緣善知識道須

通流何以却滯心不住法道即通流心若住
法名為自縛若言坐不動是只如舍利弗宴
坐林中不合被維摩詰呵善知識又見有人
教坐看心有靜不動不起從此置功迷人不
會便執成顛如此者眾矣如是相教故知大
錯善知識定惠猶如行等猶如燈光有燈即
光無燈不光燈是光之體光是燈之用名雖
有三體本同一此定惠法亦復如是善知識
本來正教無有頓漸人性自有利鈍迷人將

契悟人頗修自識本心自見本性即無差別
所以立頓漸之假名善知識我此法門從上
已來先立無念為宗無相為體無住為本無
相者於相而離相無念者於念而不念無性
者人之本性於世間善惡好醜乃至冤之與
親言語觸刺欺爭之時並將為空不思酬害
念念之中不思前境若前念今念後念念念
相續不斷名為繫縛於諸法上念念不住即
無縛也此是以無住為本善知識外離一切

相名爲無相，能離於相，卽法體清淨。此是以無相爲體。善知識於諸境上，心不染，曰無念。於自念上，常離諸境，不於境上生心。若百物不思，念盡除却，一念絕，卽死，別處受生。學道者，思之莫不識法意，自錯，猶可更勸。他人自迷，不見又謗佛經，所以立無念爲宗。善知識云：何立無念爲宗？只緣口說見性，迷人於境上有念，念上便起邪見，一切塵勞妄想從此而生。自性本無，一法可得，若有所得，妄說禍

福，卽是塵勞邪見。故此法門，立無念爲宗。善知識無者，無何事？念者，念何物？無者，無二相。無諸塵勞之心。念者，念真如本性。真如卽是念之體，念卽是真如之用。真如自性起念，非眼耳鼻舌能念。真如有性，所以起念。真如若無眼耳鼻舌聲聞，卽壞善知識，真如自性起念，六根雖有，見聞覺知，不深萬境，而真性常在。在外能分別諸色相，內於第十儀而不動。善知識此門，坐禪元不着心，亦不着淨，亦不

是不動。若言着心，心元是妄。知心如幻，故無所着也。若言着淨，人性本淨，由妄念故，蓋覆真如。但元無想性，自清淨起心，着淨却生淨妄。妄無處所着者，是妄淨。無形相却立淨相，言是功夫。作此見者，障自本性，却被淨縛。善知識若修不動者，但見一切人時，不見人之是非善惡過患，卽是自性不動。善知識迷人，身雖不動，開口便說他人是非長短好惡與道違背也。若着心着淨者，却障道也。

四教授坐禪門

師言：知識何名？坐禪此法門中，無障無碍，外於一切善惡境界，心念不起，名爲坐。內見自性，不動，名爲禪。善知識何名？禪定，外離相爲禪，內不亂爲定。外若着相，內心卽亂。外若離相，內心卽不亂。本性自淨，自定，只爲見境思境，卽亂。若見諸境，心不亂者，是真定也。善知識外離相，卽禪；內不亂，卽定。外禪內定，是爲禪定。淨名經云：卽時豁然，還得本心。菩薩戒經

云我本元自清淨善知識於念念中自見本性清淨自修自行自成佛道

五傳香懺悔發願門

師言善知識一會在此皆共有緣今各胡跪傳自性五分法身香一戒香即自心中無非無惡無疾妬無貪瞋無劫害名戒香二定香即觀諸善惡境相自心不亂名定香三慧香自心無礙常以智慧觀照自性不造諸惡雖惡善心不執著畏上愛下除孤恤貧名慧香

香四解脫香即自心無所繫緣不思善不思惡自在無碍名解脫香五解脫知見香自心既無所繫緣善惡不可沉空守寂即須廣學多聞識自本心達諸佛理言滿天下無口過行滿天下無怨惡和光接物無我無人直至菩提真照不易名解脫知見香善知識此香各自內薰莫於外鼻今與善知識投無相懺悔滅三世罪令得三業清淨善知識各隨語一時道弟子等從前念今念及後念念念不

壇經

十五

被愚迷染從前所有惡業愚迷等罪悉皆懺悔願一時消滅永不復起弟子等從前念今念及後念念念不被懺悔染從前所有惡業橋誑等罪悉皆懺悔願一時消滅永不復起弟子等從前念今念及後念念念不被染所有惡業疽妬等罪悉皆懺悔願一時消滅永不復起善知識已上是為無相懺悔云何名懺云何名悔懺者懺其前愆從前所有惡業愚迷橋誑疽妬等罪悉皆盡懺願不復起是名為懺悔者悔其後過從今已後所有惡業愚迷橋誑疽妬等罪今已覺悟悉皆永斷不復更作是名為悔故稱懺悔凡夫愚迷只知懺其前愆不知悔其後過以不悔故前愆不滅後過又生前愆既不滅後過復又生何名懺悔善知識既懺悔已與善知識發四弘誓願各次用心正聽自心邪迷無邊誓願度自心煩惱無邊誓願斷自性法門無盡誓願學自性無上佛道誓願成師言善知識太

家豈不道衆生無邊誓願度，憐麼道是不思慮，能度善知識心中，衆生所謂邪迷，心誑妄，心不善，心疽妬，心惡毒，心如等心，盡是衆生，各須自性自度，是真度，何名自性自度，即自心中邪見煩惱愚癡，衆生將正見度，既有正見，使般若智打破愚癡迷妄，衆生各各自度，邪來正度，迷來悟度，愚來智度，惡來善度，如是度者，名為真度，又煩惱無邊，誓願斷，將自性般若智，除却虛妄思想，心是也，又法門無盡，誓願學，須自見性，常行正法，是真學，又無上佛道，誓願成，既能下心行於真正，離迷離覺，常生般若，除真除妄，即見佛性，即言下佛道成，常念修行，是願力，法師言善知識，今發四弘願，更與善知識授無相三歸，依戒善知識歸依覺，二足尊，歸依正離欲尊，歸依淨衆中尊，從今日去，稱覺為師，更莫歸依邪魔外道，以自性三寶常自證明，勸善知識歸依自性三寶，佛者覺也，法者正也，僧者

淨也，自心歸依覺，邪迷不生，少欲知足，能離財色，名三足尊，自心歸依正，念念無邪見，以無邪見故，即無人我貢高貪愛執著，名離欲尊，自心歸依淨，一切塵勞妄念，雖在自性皆不染著，名衆中尊，若修此行，是自歸依，凡夫不會從自至自受三歸戒，若言歸依佛，在何處，若不見佛，憑何所歸，言却成妄，善知識各自觀察，莫錯用心，經文分明，言自歸依佛，不言歸依他佛，自性不歸，無所依處，今既自悟，各須歸依自心，三寶內調心性，外敬他人，是自歸依也。

六說一體三身佛門

師言善知識，各至心惠能與說，一體三身，自性佛，令善知識見三身了，然自悟自性，總隨惠能，道於自色身，歸依清淨法身佛，於自色身，歸依千百億化身佛，於自色身，歸依圓滿報身佛，已上善知識，色身是舍宅，不可言歸向者，三身佛在自性中，世人總有為自心

迷不見內性外見三身如來不見自身中有
三世佛善知識聽說令善知識於自身中見
自性有三世佛此三身佛從自性生不從外
得何名清淨法身世人性本清淨萬法從自
性生思量一切惡事即生惡行思量一切善
事即生善行如是諸法在自性中如天常清
日月常明為浮雲蓋覆上明下暗忽遇風吹
雲散上卡俱明萬象皆現世人性常清淨如
彼天雲善知識智如日惠如月智惠常明於

外著境被妄念淨雲蓋覆自性不得明瞭若
遇善知識聞真正法自除迷妄內外明徹於
自性中萬法皆現見性之人亦復如是此名
清淨法身佛善知識自心歸依自性是歸依
真佛自歸依者除却自性中不善心煩惱心
憍慢心吾我心誑妄心輕人心慢他心邪見
心貢高心及一切時中不善之行常自見已
過不說他人好惡是自歸依常須下心普行
恭信即是見性通達更無滯礙是自歸依何

名千百億化身若不思萬法性本如空一念
思量名為變化思量惡事化為地獄思量善
事化為天堂毒害化為龍蛇慈悲化為菩薩
智惠化為上界愚癡化為下方自性變化甚
多迷人不能省覺念念起惡常行惡道廻下
念善智惠即生此名自性化身佛何名圓滿
報身譬如燈能除千年闇下智能滅萬年
愚莫思向前已過不可得常思於後念念圓
明自見本性善惡雖殊本性無二無二之性

名為實性於實性中不淨善惡此名圓滿報身
佛師又言自性起一念惡滅萬劫善因自性起一
念善得恒沙惡盡直至無常念念自見不失
本念名為報身善知識從法身思量即是化
身佛念念自性自見即是報身佛自悟自修
自性功德是真歸依皮肉是色身色身是宅
舍不言歸依也但悟自性三身即識自性太
意

六祖壇經卷上

六祖壇經卷下
七說摩訶般若波羅蜜門
八問答功德及西方相狀門
九諸宗難問門
十南北二宗見性門
十一教示十僧傳法門
師言善知識既識三身佛了更爲說摩訶般若波羅蜜法各各至心諦聽世人終日口念不識自性猶如誦食不飽口但說空萬劫不得見性終無有益善知識摩訶般若波羅蜜

是梵語此言大智慧到彼岸此須心行不在口念口念心不行如幻如化如露如電口念心行即心心相應本性是佛離性無別佛何名摩訶摩訶是大心量廣大猶如虛空無有邊畔亦無方圓大小亦非青黃赤白亦無上下長短亦無嗔無喜無是無非無善無惡無有頭尾諸佛刹土盡同虛空世人妙性本空無有一法可得自性真空亦復如是善知識今聞惠能說空便即着空第一莫着空若空心靜坐即落無記空終不成佛法善知識世界虚空能含万物色象日月星宿山河泉源溪澗一切樹木惡人善人惡法善法天堂地獄一切大海須彌諸山總在空空中世人性空亦復如是善知識自性能含萬法是大萬法在善知識性中若見一切人惡之與善盡皆不取不捨亦不染着心如虛空名空爲大故曰摩訶善知識迷人口說智者心行又有迷人空心靜坐百無所思自稱爲大此一輩

增經

三十二

人不可共說為邪見故善知識心量廣大廓
周法界用即了了分明應用便知一切一切
即一即一切去來自由心體無滯此即是
善知識一切般若智皆從自性而生不從外
入莫錯用意名為真性自用一真一切真心
量太事不行小道口莫終日說空心中不修
此行恰似凡人自稱國王終不可得非吾弟
子善知識何名般若般若若是智惠也一切處
所一切時中念念不愚常行智惠即是般若

行一念愚即般若絕一念智即般若生世人
愚迷不見般若口說般若心中常愚自言我
修般若念念說空不識真空般若無形相智
惠心即是若作如是解即名般若智何名波
羅蜜此是西國語此言到彼岸解義離生滅
着境生滅起如水有波浪即是於此岸離境
無生滅如水常通流即名為彼岸故號波羅
蜜善知識迷人口念當念之時有妄有非念
念若行是名真性悟此法者是般若法修此

增經

三十三

行者是般若行不修即凡一念修行法身等
佛善知識凡夫即佛煩惱即菩提前念迷即
凡夫後念悟即佛前念着境即煩惱後念離
境即菩提善知識摩訶般若波羅蜜最尊最
上最第一無住無往無來三世諸佛皆從中
出當用太智惠打破五蘊煩惱塵勞若此修
行定成佛道變三毒為戒定惠善知識我此
法門從一般若生八萬四千智惠何以故為
世人有八萬四千塵勞若無塵勞智惠常現

不離自性悟此法者即是無念無憶無着不
起諸妄用自真如性以智惠觀照於一切法
不取不捨即是見性成佛道善知識若欲入
甚深法界及般若三昧者須修般若行持誦
金剛般若經即得見性當知此功德無量無
邊經中分明讚歎不能具說此法門是最上
乘為太智人說為上根人說小根小智人聞
心生不信何以故譬如太龍下雨於閭浮提
城邑聚落悉皆漂流如漂葉若雨大海不

增不減若太衆人若最上乘人聞說金剛經
心開悟解故知本性自有般若之智自用智
惠常勸照故不假文字譬如雨水不從天有
示是龍能興致令一切衆生一切草木有情
無情悉皆蒙潤諸水衆流却入大海合爲一
體衆生本性般若之智亦復如是善知識小
根之人聞此頓教猶如草木根性自小若被
大雨悉皆自倒不能增長小根之人亦復如
是元有般若之智與大智人更無差別因何

聞法不自開悟緣邪見障重煩惱根深猶如
大雲覆蓋於日不得風吹日光不現般若之
智亦無大小爲一切衆生自心迷悟不同迷
心外見修行見佛未悟自性即是小根若開
悟頓教不執外修但於自心常起正見煩惱
塵勞常不能染即是見性善知識內外不住
去來自由能除執心通達無碍能修此行與
般若經本無差別善知識一切經書及諸文
字大小二衆十二部經皆因人置因智惠性

方能建立若無世人一切萬法本自不有故
知萬法本因人興一切經書因人說有緣其
人中有愚有智愚爲小人智爲大人愚者問
於智者智者與愚人說法令其悟解心開思
人忽悟解心開即與智人無別善知識不悟
即佛是衆生一念悟時衆生是佛故知萬法
盡在自心何不從自心中頓見真如本性菩
薩戒經云我本元自性清淨若識自心見性
皆成佛道淨名經云即時豁然還得本心善

知識我於忍和尙處一聞言下便悟頓見真
如本性是以將此教法流行令學道者頓悟
菩提各自觀心自見本性若自不悟須覓大
善知識解最上乘法者直示正路是善知識
有大因緣所謂化導令得見性一切善法因
善知識能發起故三世諸佛十二部經在人
性中本自具有不能自悟須求善知識示導
方見若自悟者不假外求若須要善知識望
得解脫者無有是處何以故自心內有知識

自悟若起邪迷妄念顛倒外善知識雖有般
投救不可得若起正真般若觀照一剎那間
妄念俱滅若識自性一悟即至佛地善知識
智慧觀照內外明徹識自本心若識本心即
本解脫若得解脫即是般若三昧即是無念
何名無念若見一切法心不染著是為無念
用即過一切處亦不着一切處但淨本心使
不識從六門走出於六塵中無染無雜來去
自由通同無滯即是般若三昧自在解脫名
無念行若百物不思當令念絕即是法縛即
名邊見善知識悟無念法者萬法盡通悟無
念法者見諸佛境界悟無念法者至佛位地
善知識後代得吾法者常見吾法身不離汝
左右善知識將此顯教法門於同見同行發
願受持如事佛故終身而不退者欲入聖位
須得受從上以來點傳分付不得匪其正
法若不同見同行在別法中不得傳付損彼
前人究竟無益恐愚人不解謗此法門百劫

千生斷佛種性善知識吾有一無相頌若能
誦取言下令汝迷罪消滅頌曰
迷人修福不修道只言修福便是道
布施供養福無邊心中三惡元來造
擬將修福欲滅罪後世得福罪還在
但向心中除罪緣各自性中真懺悔
忽悟大乘真懺悔除邪行正即無罪
惡道常於自性觀即與諸佛同一類
吾祖傳此頌法吾願見性同一體
若欲當來見法身離諸法相心中洗
努力自見莫悠悠後念忽絕一世休
若悟大乘得見性屢夢合掌至心求
師言今於大梵寺中說此頌教普願法界衆
生於此言下見性成佛師說法了韋使君與
官員道俗一時作禮無不悟者皆歎善哉何
期嶺南有佛出世
八問答功德及西方相狀門
余時韋使君再肅容儀禮拜問曰弟子聞和

尚說法實不可思議今有少疑欲問和師願
大慈悲特為解說師曰有疑即問何須再三
韋公曰和尚所說可不是達磨大師宗旨乎
師曰是公曰弟子聞達磨初化梁武帝帝問
云朕一生造寺供僧布施設齋有何功德達
磨言實無功德武帝悵快不稱本情遂令達
磨出境弟子未達此理願和尚為說達磨意
旨如何師曰實無功德勿疑先聖之言武帝
心邪不知正法造寺供養布施設齋名為求
福不可對福便為功德功德在法身中不在
修福師又曰見性是功平等是德念念無滯
常見本性真實妙用名為功德外行於體是
功內心謙下是德自性建立萬法是功心體
離念是德不離自性是功應用無染是德若
見功德法身但依此作是真功德若修功德
之人心即不輕常行普敬也師曰心常輕人
吾我不斷即自無功自性虛妄不實即自無
德為吾我自大常輕一切故善知識念念無

間是功心行平直是德自修身是功自修性
是德善知識功德須自性內見不是布施供
養之所求也是以福德與功德別武帝不識
真理非我相師有過又問弟子常見僧俗念
阿彌陀佛願生西方請和尚說得生彼否願
為破疑師言使君善聽惠能與說世尊在舍
衛城中說西方引化經文分明去此不遠若
論相說理即有十萬八千若說身中十個不
邪便是說遠為其下根說近為其上智人有
兩種法無兩般迷悟有殊是有癡疾迷人念
佛求生於彼悟人自淨其心所以佛言隨其
心淨即佛土淨使君東方人但心淨即無罪
雖西方人心不淨亦有懺東方人造罪念佛
求生西方西方人造罪念佛求生何國凡愚
不了自性不識身中淨土願東願西悟人在
處一般所以佛言隨所住處常安常樂使君
心地但無不善西方去此不遙若懷不善之
心念佛往生難到今勸善知識先除十惡即

行十善後除六邪乃過八千念念見性常行
平直到如彈指便觀彌陀使君但行十善何
須更願往生不斷十思之心何佛即來迎請
若悟無生頓法見西方只在刹那不悟念佛
求生路遙如何得達惠能與諸人移西方如
刹那間目前便見各願見否皆頂禮言若此
處見何須更願往生願和尚慈悲便現西方
普願得見師言太眾世人自色身是城聚耳
鼻舌是門外有五門內有意門心是地性是

王王居心地上性在王在性去王無性在身
心存性去身心壞佛向性中作莫向身外求
自性迷即是眾生自性覺即是佛慈悲即是
觀音喜捨名為勢至能淨即釋迦平直即彌
陀人我即須彌邪心是海水煩惱是波浪毒
害是惡龍鹿妄是鬼神塵勞是兇驚貪嗔是
地獄愚癡是畜生善知識常行十善天堂便
至除人我須彌倒無邪心海水竭煩惱無波
浪滅毒害除魚龍純自心地上覺性如來放

太光明外照六門清淨能破六欲諸天自性
內照三毒即除地獄等罪一時消散內外明
徹不異西方不作此修如何到彼大眾聞說
俱歎善哉曰但是迷人不了然見性悉皆禮拜
唯言普願法界眾生聞者一時悟解師言善
知識若欲修行在家亦得不由在寺在家能
行如東方人心善在寺不修如西方人心惡
但心清淨即是自性西方韋公又問在家如
何修行願為教授師言吾與大家作無相頌

但依此修常與吾同處無別若不依此行雖
在吾邊如隔千里頌曰
說通及心通 如日處虛空 惟傳見性法
出世破邪宗 法即無類漸 迷悟有遲疾
只此見性門 愚人不可悉 說即雖萬般
合理還歸一 煩惱暗宅中 常須生惠日
那來煩惱至 正來煩惱除 邪正俱不用
清淨至無餘 菩提本自性 起心即是妄
淨心在妄中 但正無三障 世人若修

一切盡不妨 常自見已過 與道即相當
名類自有道 各不相妨惱 離道別真道
終身不見道 波波度一生 到頭還自誤
欲得見真道 行正即是道 自若無道心
聞行不見道 若真修道人 不見世間過
若見他人非 自非却是尤 他非我不非
我非自有過 但自却非心 打除煩惱破
憍愛不關心 長伸兩脚卧 欲擬化他人
自須有方便 勿令彼有疑 即是自性現

佛法在世間 不離世間覺 離世覺菩提
恰如來兔角 正見名出世 邪見是世間
邪正盡打却 菩提性宛然 此頌是頓教
亦名大法船 迷聞經累劫 悟則剎那間
師言善知識 總須調取 依得修行 言下見性
雖去吾千里 如常在吾邊 於此言下 不悟即
對面千里 各自修法 不相待 眾人且散 吾
歸曹溪 眾若有疑 却來相問 為眾破疑 各見
本心 時會 僧俗 豁然 大悟 咸讚 善哉 俱明 佛性

九諸宗難問門

本師出世行化四十年 諸宗難問僧俗約千
餘人 皆起惡心 難問師言 一切盡除 無名可
名 名於自性 無二之性 是名實性 於實性上
建立一切教門 言下便須自見 諸人聞說 總
皆頂禮 請事為師 願為弟子 如此之徒 說不
可盡 若論宗旨 傳授壇經者 即有稟眾所付
須知 去處年月時代 姓名遞相付囑 若無壇
經 稟眾者 即非南宗弟子 緣未得所 稟眾說

頓法未契本心 終不免諍 但得法者 只勸修
行 諍是勝負之心 與道相違矣

十南北二宗見性門

世人盡言南能北秀 未知事由 且秀大師在
荆南 當陽縣 玉泉寺 住能大師在韶州 城東
四十五里 曹溪山 住法本二宗人有南北何
名 頓漸法 即一種 見有遲疾 法無頓漸 人有
利鈍 故名頓漸 秀聞能師說法 徑疾直指 見
性 遂命門人志誠 曰 汝聰明多智 可與吾到

曹溪山禮拜但坐聽法莫言吾使汝來汝若聽得盡心記取却來說吾看彼所見誰遲誰疾水急早來勿令吾待志誠禮拜便行經五十餘日至曹溪山禮拜坐聽不言來處志誠一聞言下便悟即起禮拜自言和尚弟子在玉泉寺秀和尚處學道九年不得契悟令聞和尚一說忽然悟解便契本心和尚太慈弟子生死事大又恐輪迴願當教示師曰汝從玉泉寺來應是細作對曰不是師曰何得不

定惠接最上乘人悟解不同見有遲疾汝聽吾說與彼同否吾所說法不離自性離體說法名為相說自性常迷須知一切萬法皆從自性起用是真戒定惠等法常見自性自心即是自性等佛吾心地無非自性戒心地無礙自性惠心地無亂自性定汝師戒定惠勸小根智人吾戒定惠勸大根智人若悟自性亦不立菩提涅槃亦不立解脫知見無二法可得方能建立萬法是真是見性若解此意亦名佛身亦名菩提涅槃亦名解脫知見亦名十方國土亦名恒沙數亦名三千大千亦名大小藏十二部經見性之人立亦得不立亦得去來自由無滯無礙應用隨作應語隨答善見化身不離自性即得自在神通遊戲三昧之力此名見性志誠垂啓和尚如何是不立義師曰自性無非無礙無亂念念般若觀照常離法相自由自在縱橫盡得有何可立自性自悟頓悟頓修亦無漸次所以不立

切法佛言寂滅有何次第志誠禮拜便往曹溪願為門人不離左右復有一僧名曰法達常誦法華經七年心迷不悟正法來詣曹溪禮拜問曰和尚弟子誦法華經心常有疑又不知正法之處和尚智慧廣大願為決疑師曰法達法即甚達汝心不達經本無疑汝心自疑汝心自邪則求正法吾心本正則是持經吾不識文字汝取經來誦之一遍吾聞即知法達取經便誦一遍師知佛意乃與說經

師言法達經無多語七卷盡是譬喻因緣如來廣說三乘只為世人根鈍經文分明無有餘乘唯下佛乘汝聽下佛乘莫求三乘迷却汝性且經中何處是下佛乘吾聞汝誦經云諸佛世尊唯以一大事因緣故出現於世正有十此法如何解如何修汝用心聽吾為汝說師言法達人心何不思本來寂靜離却邪見即是太事因緣內外不迷即離兩邊外迷着相內迷着空於相離相於空離空即是內

外不迷若悟此法一念心開出現於世心開何事開佛知見佛猶覺也分為四門開覺知見示覺知見悟覺知見入覺知見此名開示悟入從一處入即覺知見見自本性即得出現師言吾勸一切人於自心地常開佛知見世人心邪愚迷造罪口善心惡貪嗔嫉妬諂佞侵害自開眾生知見世人心正常起智慧觀照自心止惡行善自開佛知見汝須念念聞佛知見莫開眾生知見聞佛知見即是出

世間眾生知見即是世間師又言法達此是法華經下乘之義向下分之為三乘者蓋為迷人汝但依下佛乘修行師又言法達心行即是汝轉法花經不行即是被法華經轉心正轉法華心邪法華轉開佛知見轉法華努力依法修行即是轉經自心若不念念修行即常被經轉法達一聞言下大悟涕淚悲泣白太師言實未曾轉法華七年被法華轉自今方修佛行師言行佛行是佛時在會者各

得見性復有僧名曰智常禮拜問四乘之義云塔和尚佛說三乘法又言最上乘弟子不解願為敷授師曰汝向自心見莫著外法相無四乘法人心自有回等見問轉讀是小乘恒法解義是中乘依法修行是本乘萬法盡通萬行俱備一切不染離諸法相一無所得名最上乘乘是行義不在口爭汝須自修莫問吾也一切時中自性自如是四乘義又玉泉寺有一童子年十三歲當陽縣人名曰神

會禮師三拜問曰和尚坐禪還見不見師以拄杖打三下却問吾打汝痛不痛對云亦痛亦不痛師曰吾亦見亦不見神會問如何是亦見亦不見師言吾之所見常見自心過慙不見他人是非好惡是以亦見亦不見汝言亦痛亦不痛如何汝若不痛同其本石若痛即同凡夫即起於恨師曰神會小兒向前見不見是二邊痛不痛屬生滅汝自性且不見教求乎人神會禮拜悔謝更不敢言師又曰

汝若心迷不見問善知識見路汝若心悟即自見性依法修行汝自迷不見自心却來問吾見與不見吾見自知豈代汝迷汝若自見亦不代吾迷何不自知自見乃問吾見與不見神會禮百餘拜求謝慙過請事為師不離左右

十一教示十僧傳法門 滅度年月附

今時師喚門人法海志誠法達神會智常智通志徹志道法珍法如等言汝等十人向前

汝等不同餘人吾滅度後各為一方師吾今教汝說法不失本宗先須舉三科法門動用三十六對出沒即離兩邊說一切法莫離自性忽有人問汝法出語盡雙皆取對法來去相因究竟二法盡除更無去處三科法門者陰界入也陰是五陰也受想行識是也入是十二入外六塵也聲香味觸法內六門眼耳鼻舌身意是也界是十八界六塵六門六識是也自性能含萬法名含藏識若起思量即

是轉識生不識出六門見六塵三六十八
由自性起用自性若邪起十八邪自性若正
起十八正含惡用即衆生用善用即佛用用
由何等由自性有對法外境無情五對天與
地對日月與月對明與暗對陰與陽對水與火
對此是五對也法相語言十二對語與法對
有與無對有也與無也對有相與無相對有
漏與無漏對色與空對動與靜對清與濁對
凡與聖對僧與俗對老與少對大與小對此
是十二對也自性起用十九對長與短對邪
與正對癡與慧對愚與智對亂與定對慈與
毒對戒與非對直與曲對實與虛對陰與平
對煩惱與菩提對常與無常對悲與害對喜
與嗔對捨與慳對進與退對生與滅對法身
與色身對化身與報身對此是十九對也師
言此是三十六對法若解用即通貫一切經
法出入即離兩邊自性動用共人言語外於
相離相內於空離空若全着相即長邪見若

全執空即長無明執空之人有謗經直言不
用文字既云不用文字人亦不合語言只此
語言便是文字之相又云直道不立文字即
此不立兩字亦是文字見入所說便即謗他
言着文字汝等須知自迷猶可又謗佛經不
聖謗經罪障無數着相於外而作法求真或
廣立道場說有無之過患如是之人累劫不
可見性不勸依法修行但只聽說修行又莫
百物不思而於道性室礙若聽說不修令人
及生邪念但依法修行無住相法施汝等若
悟依此說依此用依此行依此作即不失本
宗若有久問汝義問有將無對問無將有對
問凡以聖對問聖以凡對二法相因生中道
義汝一問一對餘問一依此作即不失理也
設有久問何名爲暗答云明是因暗是緣明
沒即暗以明顯暗以暗現明來去相因成中
道義餘問悉皆如此師教十僧於後傳法以
壇經迭相教授即不失宗旨汝今已得法了

遞代流行後人得遇壇經如親義吾教若看
壇經必當見性太師以先天元年於新州國
恩寺造塔至二年七月八日喚門人告別師
言汝等近前吾至八月欲離世間汝等有疑
早須相問為汝破疑當令迷盡使汝安樂吾
若夫後無人教汝法海等聞悉皆涕泣唯有
神會不動神情亦無涕泣師曰神會小師却
得善不善等假譽不動餘者不得數年在山
修行何道汝今悲泣為憂阿誰若憂吾不知

去處吾自知去處吾若不知去處終不別汝
汝等悲泣蓋為不知吾去處若知吾居處即
不合悲泣法性本無生滅去來汝等盡坐吾
與汝等一偈名曰真覺動靜偈汝等誦取此
偈與吾意同依此修行不失宗旨眾僧作禮
請師說偈曰
一切無有真 不以見於真 若見於真者
是見盡非真 若能自有真 離假即心真
自心不離假 無真何處真 有情即解動

無情即不動 若修不動行 同無情不動
若見真不動 動上有不動 不動是不動
無情無佛種 能善分別相 第一義不動
但作如此見 即是真如用 報諸學道人
奴力須用意 莫於大乘門 却執生死智
若言下相應 即共論佛義 若實不相應
合掌令歡喜 此宗本無諍 諍即失道意
執迷諍法門 自性入生死
時眾僧聞知大師意更不敢諍各自攝心依

法修行一時禮拜即知大師不久住世法海
上座問曰和尚夫後衣法當付何人師曰吾
於大梵寺說法直至今日抄錄流行名法寶
壇經記汝等守護虔諸群生但依此說是真
正法師言法海向前吾滅度後二十年間邪
法撩亂惑我正泉有一人出來不惜身命定
於佛法堅立宗旨即是吾法弘於河洛此教
大行若非此人衣不合傳汝多不信吾與汝
說先祖建唐太師傳法偈頌據此偈頌之意

衣不合傳偈曰
吾本來東土 說法救迷情 一花開五葉
結果自然成
師曰吾有一偈還用先聖大師偈意偈曰
心地含諸種 法雨即花生 頓悟花情已
菩提果自成
師說偈已令門人且散衆相謂曰大師多應
不久住世問師至先天二年八月三日食後
報言汝等各着位坐共汝相別時法海問云
此法從上至今傳授幾代願和尚說師曰初
六佛 釋迦 第七 迦葉
阿難 末田地 商那和修
優波毘多 提多迦 佛陀難提
佛陀蜜多 脇比丘 富那奢
馬鳴大士 毗羅尊者 龍樹大士
迦那提多 羅睺羅多 僧伽那提
僧伽耶舍 鳩摩羅駄 闍夜多
婆修槃頭 摩拏羅 鶴勒那

師子比丘 婆舍斯多 優婆掘多
婆須蜜多 僧迦羅叉 後 菩提達磨
北齊惠可 隋朝僧衆 唐朝道信
弘忍 惠能
師曰衆人今當受法汝等於後世相傳付須
有稟承依約莫失宗旨法海白言和尚望何
教法令後代迷人得見自性師言汝等聽之
後代迷人若識衆生即見佛性若不識衆生
萬劫覓佛難逢吾今教汝識自心衆生見自
心佛性吾與汝說後代之人欲求見佛但識
衆生只爲衆生迷佛非是佛迷衆生自性若
悟衆生是佛自性若迷佛是衆生自性平等
衆生是佛自心邪險佛是衆生汝等心若險
曲即佛在衆生中一念平直即是衆生成佛
我心自有佛自若無佛心何處求真佛汝等
自心是佛更莫狐疑外無一切物而能建立
皆是本心生萬種法故經云心生種種法生
心滅種種法滅吾今留一偈與汝等別名自

土真佛，偈後代，迷人識此，偈意自見本心，自成佛道。偈曰：

真如性淨是真佛，
邪迷之時魔在舍。
性中邪見三毒生，
正是自除三毒心。
法身報身及化身，
若向性中能自見。
本從化身生淨性，
淨性常在化身中。

性使化身行正道，
當來圓滿真無窮。
矯性本是淨性因，
見性刹那即是真。
性中各自離五欲，
令生若悟頌法門。
汝若修行見作佛，
不知何處擬求真。
若能心中自見真，
有真即是成佛因。
不見自性外覓佛，
起心總是太癡人。
頌教法門今已留，
救度世人須自修。
報汝當來學道者，
不作此見大慈悲。

師說得了報言，今共汝別。吾滅度後，莫作世情悲泣。兩淚受人吊問，身著孝服，非吾弟子。亦非正法。但如吾在日，一時盡坐，無動無靜。無生無滅，無去無來，無是非，無往無往，無名無字，恐汝心迷，不會吾意。吾今垂囑，汝等汝見性，吾滅度後，依此修行，如吾在日。汝等建法，縱吾在世，終無有益。大師言訖，夜至三更，奄然遷化。大師春秋七十有六，師遷化日，寺內異香氤氳，經于七日，感地動，林變，白日。

無光風雲失色，群鹿鳴呼，至夜不絕。先天二年八月三日，夜三更時，於新州國恩寺圓寂。餘在功德塔，記具述。及具至十一月，詔廣二州門人迎師神座，向曹溪山。葬忽於龍內，白光出現，直上衝天。三日始散。部州奏聞，奉勅立碑，供養。至元和十一年，詔追諡曰大鑑禪師。事具劉禹錫碑。泊于法海上座，無常。以此壇經付囑，志道付彼岸。彼岸付悟真。悟真付圓會。逸代相傳，付囑一切萬法，不離。

